



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Civibvs Et Vniverso populo Dertusensi.

**urn:nbn:de:hbz:466:1-20020**

teriam ministrabunt. Licet autem ex iuncto tibi praefulatus officio in corrigen-  
dis subditorum excessibus iurisdictionem  
obrineas generalem, ut tamen auctorita-  
te mandati nostri tuae provisionis officium  
liberius exequaris, fraternitati tuae, de  
qua firmam fiduciam gerimus, per ap. sc.  
m. q. tam circa viros religiosos quam  
etiam Clericos seculares tuae jurisdictioni  
subjectos corrigas app. re. que videris  
corrighenda, statuens ad reformationem  
iporum quod regulare fuerit & hone-  
stum. Dat. ut in alia.

## E I D E M.

*Epiſ. 155.*  
Datur illi po-  
testas refor-  
mandi mona-  
steria sua dia-  
ceses.

**L**icet Ecclesiarum omnium cura no-  
bis immineat, pro monasteriorum ta-  
men statu specialius nos oportet esse sol-  
licitos, ne forsitan in ipsis religionis obser-  
vantia dissolvatur, quam nostris tempore-  
ribus Domino diponente plantare cupi-  
mus & fovere. Sanè sicut nostro est apo-  
stolatui referatum, in monasteris & aliis  
locis religionis dioecesana tibi lege subje-  
ctis in viatu, vestitu, conversatione, ac  
multis aliis gravitas negligitur regularis,  
& multa gravia committuntur ibidem,  
quæ cedunt non solum in animarum dis-  
pendium, sed etiam scandalum pluri-  
morum. Fratres præterea locorum ipso-  
rum contra sua professionis propositum  
retinere propria non formidant. Cum  
igitur hæc, si vera sint, relinquiri non de-  
beant incorrecta, fraternitati tuae, de  
qua certam fiduciam obtainemus, per ap.  
sc. m. q. super his & aliis inquisita  
pleniū veritate corrigas app. re. quæcumque noveris corrighenda, statuens ibi-  
dem quod regulare fuerit & honestum.  
Datum Romæ apud S. Petrum X V.  
Kal. Decemb. anno decimo.

## E I D E M.

*Epiſ. 156.*  
De unione  
monasteriorū  
Vallis profun-  
dae & de Gif.

**A**dures nostras noveris pervenisse  
quod monasterium Vallis profundæ  
in tua diocesi constitutum tanta rerum  
temporalium egestate gravatur ut foro-  
res ejusdem loci nequeant de bonis ipsius  
monasterij sustentari, propero quod inter-  
dum, instigante humani generis inimi-  
co, pro necessariis acquirendis quadam  
minus licita immo gravia committere non  
verentur. Quocirca fraternitati tuae per  
ap. sc. m. q. si est ita, monasterium  
ipsum auctoritate nostra suffultus, sublatu-  
cujus. contrad. & app. ob., monasterio  
de Gif tuae dioecesis, quod pari necessi-  
tate laborat, adjungere studeas & unire.

Datum Romæ apud S. Petrum X V I I I .  
Kal. Decemb. anno decimo.

## E P I S C O P O P I C T A V E N .

**E**x insinuatione dil. fil. I. scolaris nos  
noveris accepisse quod olim mater  
sua in ipsius partus multis angustis fatigata  
vovit Domino quod quacumque

*Epiſ. 157.*  
Vt I. ad sub-  
diaconatus or-  
dinem promo-  
veat.

que prolem suscipere, eam in fortē  
dominicam depuraret, qua volens post-  
modum adimplere promissum, eundem  
I. fecit imbuī litteralibus documentis &  
artibus liberalibus erudiri. Verum idem  
I. à materna non discrepans voluntate,  
cū minores ordines fuerit asecutus, à  
te instanter petiit ut eum in Subdiaconum  
promovere. Tu verò, licet habeat patri-  
moniū de quo potest congruē sustentari,  
& quidam ejus consanguineus ad ordina-  
tionem centum solidos annuos sibi fuerit  
paratus conferre, sicque honorificè va-  
leat vivere de prædictis oblatis tamen pre-  
cibus acquiescere recusasti. Nos autem  
pium ejus propositum attendentis f. t.  
p. ap. sc. præc. m. q. si est ita, dum-  
modo sit idoneus, promovere ipsum ad  
subdiaconatus ordinem non postponas.  
Datum Romæ apud S. Petrum V I I I .  
Kal. Decemb. anno decimo.

C I V I B V S E T V N I V E R S O  
populo Dertusensi.

**A**d nostram audientiam ven. f. n. G.  
Dertusen. Episcopo significante  
pervenit quod cū pro eo quod decimas  
& primicias ad plenum solvere solebatis,  
olim vos excommunicationis sententia  
subjicisti, in contemptum excommuni-  
cationis ipsius in cimiterio Ecclesiæ præ-  
sumpsisti ferè centum corpora deceden-  
tium sepelire. Postmodum autem super  
ipis decimis & primis iustitia mediante  
pro eodem Episcopo sententia promul-  
gata, promisisti vos mandato Ecclesiæ  
parituros interposito juramento. Verum  
ab eodem Episcopo postmodum absoluti,  
sicut mandaverat, sepulta corpora extu-  
mulare curasti, volentes contemptum  
pristinum taliter expiare. Sed procedente  
tempore aliqui vestrum conversi retror-  
sum, & devotionem ostensam in odium  
deducentes, in suarum perniciem anima-  
rum, ad suggestionem fratrum hospitalis  
Hampoltæ, apud eodem, Ecclesiæ me-  
morate cimiterio derelicto, præsumps-  
runt cum interpolatione fidei eligere se-  
pulturam; per hoc ipsi Ecclesiæ nitentes  
laetionem inferre. Tandem quidam ex eis  
ad

*Epiſ. 158.*  
Horatutus  
ur Ecclesiæ  
Dertusensem  
reverentur.

ad conscientiam reducentes, & penitentiam volentes agere de commissio, ipsi Episcopo sunt confessi hoc ab ipsis fuisse pro sua damno Ecclesia attentatum; sed alij pertinaciter in excogitata malitia perseverant. Quia vero indignum esse videatur ut Dertusensis Ecclesia mater vestra, quae animas vestras spiritualibus reficit aliamentis, vos non sentiat filios, sed privignos, universitatem vestram rogamus, monemus, & exhortamur in Domino, per apostolica vobis scripta praeципiendo mandantes quatinus non obstante hujusmodi juramento, quod ex odio in damnum Dertusensis Ecclesiae temere praestititis, tam in vita quam morte more solito eandem Ecclesiam honorantes, ad statum pristinum redeatis. Datum Romae apud sanctum Petrum iv. Kal. Decembris anno decimo.

VNIVERSIS EPISCOPIS  
per Angliam & Valliam constitutis.

Dicit. 119.  
Honores eos  
vulnus  
evidetiam  
mentis  
Vid. Matth.  
Ier. ad am.  
108. & Gofa  
lxxx. III. cap.  
13.

**Q**uamque virtus obedientiae magna sit propter bona que sequuntur ex ipsa, nala tamen que de contraria sibi constat inobedientia provenire, quodammodo magnificare videntur eandem, cum sicut collatio boni malum deterius decorlar, ita plerunque malum bono collatum, aliquid ei laudis adjungat. Inobedientia quippe de paradiso protoplastum ejecit; cui demum Christi obedientia, qui usque ad mortem factus est pro nobis obediens, formam servi accipiendo, subvenit. Denique Chorē natos, qui Moysi mandatis pertinaciter resistierunt, aperta tellus vivos absorbit, filiosque sacerdotis Heli, qui paterna monita contempnendo errorem suum corrigere neglexerunt, Philisteorum gladius interemit. Abraham vero, *Per memetipsum, inquit Dominus, juravi, quia obedi- si voce mea tuo unigenito non parcendo, benedicam, tibi, & multiplicabo semen tuum ut stellas cœli, & benedicentur in tuo semine omnes gentes.* Puella quoque Rebecca, dum in adiquandis camelis humiliiter obediuit, receptis inauribus & armillis Isaac meruit conjugio copulari. Ceterum ex sermone quem Propheta loquitur ad populum contumacem ostenditur quod possit obediendo quisquam vel non obediendo mereri. *Si volueritis, inquit, & audieritis me, terræ optima comedetis, quod si nolueritis, & me ad iracundiam provocabitis, vos gladius devorabit.* Samuel etiam dixisse legitur ad Saulem: *Num-*

Tom. II.

*quid vult Dominus holocausta & victimas, & non potius ut voci obediatur ipsius? Obedientia enim melior est quam victimæ, & auscultare magis quam adipem arietum immolare: quoniam quasi peccatum idolatriæ, acquiescere nolle. Ne igitur in vi- tium inobedientiae incidatis, virtutem obedientiae vos oportet fortiter retinere; qui nedum mandato ad hoc speciali compulsi, sed pro debito pastoralis officij vo- luntarij defendere tenemini ecclesiasticam libertatem, & murum pro domo Domini vos opponere ascendentibus ex adverso; ne si verbum Domini in ore veltro fuerit alligatum, & tamquam canes muti latra- re non valueritis, seu potius nolueritis, ex illis effici videamini de quibus dicitur per Prophetam: *Filiij Effrem intendentis ar- cum & mittentes sagittas suas, conversi sunt in die belli.* Pro justitia quippe pugnare non est vobis aliquatenus formidandum; quia beati qui persecutionem patiun- tur propter justitiam; quoniam cum pro- bati fuerint, accipient coronam vitæ. Si qua ergo vobis immineat adversitas propter ipsam, gaudendum est vobis potius quam tristandum, Apostolorū exemplo, qui teste scriptura, *gaudentes ibant à conspectu concilij, quoniam digni sunt habitu contume- liam pro nomine Iesu pati;* cum gloriosum sit, non solum Episcopo, sed etiam cui- liber Christiano, si propter causam non turpem, sed in Domino commendabilem affligatur, apostolo Petro testante, qui dicit: *Nemo patiatur ut sur; sed si benefa- cientes & benedicentes molestiam sustinetis, hoc est gratia apud Deum.* Ecce pro defensione libertatis ecclesiastice jussio vobis imminet ut vestra obedientia nota fiat, & per-secutio forsitan instat, ut patientia vestra proximis innoteat. Si quis itaque timet transgressor effici, obedientiam saltem meticulosam impendet; qui vero sperat de ipsa præmium, promeritoriam exhibe- bit eandem. Persecutio deinde, si qua fuerit, probationem vobis inducer, ut alii ad exemplum vestra fortitudo proficiat; & præmium quidem conferat, ut quilibet juxta modum afflictionis mensuram retri- butionis acquirat. Proinde si causam Chri- sti ex corde agitis, ipse virtutem & fortitudinem vobis dabit, ut divinum timorem præferentes humano, cœlestem Regem magis reveremini quam terrenum, ipsumque cum illis qui sub ejus cubito manu adulatrice pulvilos consuunt non palpe- tis, & non solum in eo per quod auctori-*

M